

## БАСПАСӨЗ РЕЛИЗИ

### Ақтау битум зауытында кейіннен битумның алғашқы легін алу үшін мұнай қабылданды

«ҚазМұнайГаз» ұлттық компаниясы Ақтау битум зауытында кейіннен битумның алғашқы сынамалы легін алу үшін Қаражанбас кен орнынан 25 мың тонна көлеміндегі мұнай резервуарға қабылданды деп хабарлайды. Қазіргі уақытта зауыттың технологиялық блоктарында монтаждау жұмыстары аяқталды, технологиялық арналар бойынша мұнай айдау («ыстықтай айдау») және БӨАЖА аспаптарын іске қосу жұмыстары аяқталды.

«Ақтау пластикалық масса зауытында жол битумдарын өндіру» жобасы Қазақстан Республикасының Президенті Н.Ә.Назарбаевтың тапсырмасы бойынша Қазақстан Республикасын Үдемелі индустриалдық-инновациялық дамыту жөніндегі 2010-2014 жылдарға арналған мемлекеттік бағдарламаның (ҮИИДМБ) аясында іске асырылуда.

Жыл сайын зауытта 400 мың тоннаға жуық тотыққан және 120 мың тоннаға жуық түрлендірілген жол битумдары өндірілетін болады, сонымен қатар 15 мың тонна бензин фракциясы мен 230 мың тонна керосин-дизель фракциясы, 220 мың тонна вакуум газойлы өндірілетін болады.

Полимерлі-модификацияланған битумдардың жылуға, аязға қарсы төзімділігі мен тозуға қарсы төзімділігі жөніндегі жақсартылған сипаттамасына қарай жолда қызмет ету мерзімі ұзарған, оларды жөндеуге кететін шығындар біршама қысқарады.

«Битум зауыты – асфальт-бетон өндіру зауыты – асфальт-бетонды төсеу орны» жолында битумның сапасын жоғалтпау үшін, алғаш рет Ақтау битум зауытында жол битумын бір реттік пайдаланылатын екі түрлі – Биг Беги (1000 кг.) және пластикалық қаптар (40 кг.) көлік тарасына өлшеп салу жөніндегі инновациялық технология көзделген. Өлшеп салынған салқын битумды қолдану материалдың бастапқы физикалық-химиялық көрсеткіштерін ғана емес, үлкен көлемді битум қоймаларында ерітілген күйінде сақтауға жұмсалатын шығындарды қысқарту есебінен асфальт-бетон зауыттарында үнемдеуге мүмкіндік береді.

Зауытта Қаражанбас кен орнының жоғары шайырлы мұнайы жылына 1,0 млн. тонна көлемінде қайта өңделететін болады, оны жеткізу «Қаражанбас – Ақтау – Ақтау битум зауыты» магистральды мұнай құбыры бойынша жүзеге асырылады. Зауыт қаражанбас мұнайын берушімен процессинг шарты негізінде өңделме сызба бойынша жұмыс істейтін болады.

Штаттық кесте бойынша зауыт қызметкерлерінің саны 286 бірлікті құрайды. Жобаның операторы «Caspi Bitum» ЖШС мен «Маңғыстау политехникалық колледжі» МҚКК арасында мұнай-химия мамандығы студенттерінің оқу практикасынан өтуі туралы меморандум жасалды. Осындай меморандумдар Маңғыстау облысының басқа да жоғары және арнаулы орта оқу орындарымен жасалды. Сондай-ақ ағымдағы жылы зауытқа Ш.Есенов атындағы Каспий мемлекеттік технология және инжиниринг университетінің 8 түлегі және Маңғыстау политехникалық колледжінің 8 түлегі жұмысқа қабылданды.

Ақтау битум зауытын ресми ашу рәсімі 2013 жылғы желтоқсан айына жоспарланған.

2013 жылғы 28-29 қарашада «ҚазМұнайГаз» ҰК АҚ зауыттың қызметімен таныстыру мақсатында блогерлер мен журналистер үшін баспасөз туры ұйымдастырды.

*Анықтама ретінде: 2008 жылы «ҚазМұнайГаз» ҰК АҚ мен «Қаражанбасмұнай» АҚ арасында битум зауыты үшін шикізат беру жөніндегі өзара түсіністік туралы меморандумға қол қойылды.*

*2009 жылғы 26 тамызда «CITIC Group» (ҚХР) және «Kazakhstan Petrochemical Industries» АҚ («ҚазМұнайГаз» ҰК АҚ еншілес ұйымы) арасында битум зауытын салу және басқару мақсатында бірлескен кәсіпорын құру және оған қатысудың негізгі қағидаттары туралы келісімге қол қойылды.*

*2009 жылғы 6 қазанда «Caspi Bitum» БК» ЖШС – бірлескен кәсіпорны мемлекеттік тіркелді. «Caspi Bitum» БК» ЖШС құрылтайшылары – «KPI» АҚ мен «СИТИК Қазақстан» ЖШС («CITIC Group» еншілес ұйымы) болып табылады.*

*«КазСтройСервис» ҰМҚК» АҚ мен «CITIC Construction» ЖШС арасында консорциум құрылды, мақсаты – битум зауытының объектілерін салу және 2010 жылғы 3 маусымда БК мен Мердігер консорциумы арасында объектілер құрылысын салуға арналған ЕРС-келісімшартқа қол қойылды.*

*Қосымша ақпарат үшін «ҚазМұнайГаз – қайта өңдеу және маркетинг» АҚ баспасөз қызметіне + 7 (7172) 97 57 18 телефоны бойынша хабарласуға болады.*

---

*«ҚазМұнайГаз» ұлттық компаниясы» АҚ – Қазақстанның мұнай-газ саласында мемлекеттің мүддесін білдіретін, көмірсутегін барлау, өндіру, қайта өңдеу және тасымалдау жөніндегі қазақстандық ұлттық оператор болып табылады. «ҚазМұнайГаз» ҰК АҚ акцияларының 100 пайызы «Самұрық-Қазына» Ұлттық әл-ауқат қоры» АҚ-на тиесілі.*